

Kratki priručnik iz upozoravanja na mine



Nakon rata opasnost po ljudske živote predstavljaju mine i druga eksplozivna sredstva zaostala iz rata. Mine su eksplozivne nehumane naprave izrađene, prije svega, u svrhu ranjavanja, ubijanja ljudi i uništavanja materijalno tehničkih sredstava.

Približno oko 2,1 % ukupne površine Bosne i Hercegovine predstavlja sumnjivu ili rizičnu površinu zagađenu minama. Često su u pitanju grupe mina, nepoznatog rasporeda i bez minskih zapisnika. Mine mogu biti postavljene po pašnjacima, šumama, planinama i u naseljima. Mine je u prirodi vrlo teško uočiti. Mine se aktiviraju uglavnom nagazom ili povlačenjem potezne žice. Prilikom eksplozije uzrokuju teške tjelesne povrede i smrt.

Prije odlaska na teren obavezno se informišite da li je područje sumnjivo na minsku opasnost!

U slučaju da ipak, morate proći kroz ta područja, krećite se isključivo sigurnim utabanim putevima i stazama koji se već koriste!

Nikada ne idite sami u nepoznato područje, pogotovo sumnjivo na minsku opasnost!



Znakovi za minsko obilježavanje !

Zbog postojećih velikih površina zagađenih minama, u Bosni i Hercegovini postoje površine koje nisu u prirodi obilježene minskim znacima tj. minski znaci su uništeni ili ukradeni. Postoje dva osnovna oblika minskog znaka: četvrtasti sa natpisima. Prednja strana znaka je crvene boje sa mrtvačkom glavom i natpisima PAZI-MINE u bijeloj boji ili MINE-ZABRANJEN PROLAZ. Oznake za minska polja se ne smiju uništavati ili otuđivati.

Ukoliko se nađete u minskom polju:

- Odmah stanite i ostanite mirno u mjestu gdje ste se zatekli!
- **Ne paničite!** Ako je neko sa vama, upozorite ga na opasnost na mine!
- Zovite **“U pomoć, mine”** i ne pomjerajte se!
- Ne poduzimajte nikakav rizik da sami izađete iz minskog polja!...
- Čekajte da pomoć stigne, jer je bolje provesti i dan u minskom polju nego ostatak života kao invalid!

Neka pravila ponašanja koja nikada ne smijete zaboraviti kada ste u rizičnom području na mine:

- Ne dozvolite da vas stanovništvo svjesno uvodi u rizična minirana područja kako bi vam pokazalo minska polja ili objekte!
- Ne uzimajte od stanovništva, oružje, eksplozivna sredstva zaostala iz rata ili minsko-eksplozivnih sredstava, !
- Ne ulazite u napuštene i razrušene objekte (rovove, bunkere, bajte, zemunice, štale, kuće, mlinove itd.)!
- Ne koristite staze koje se ne koriste duže vrijeme!
- Koristite staze koje koristi mjesno stanovništvo.
- Ne ulazite u područja sa visokom i gustom vegetacijom koja očigledno nisu korištena duže vremena!
- Nikada ne ulazite u minsko polje, čak i kada treba pružiti pomoć povrijeđenom! U tom slučaju nastojte osigurati što hitniji dolazak stručnih osoba osposobljenih za ulazak u minsko polje...



MINA UBICA U BIH PROM-1.

Potencijalno minirana područja i pokazatelji koji govore da bi moglo biti minsko polje u blizini:

- Bivše ratne linije razdvajanja zaraćenih strana!
- Blizina napuštenih kuća, bunara i razrušenih objekata!
- Obale rijeka, potoka i izvori vode!
- Duž puteva, pruga, dalekovoda, tunela i mostova!
- Znakovi ili trake minske opasnosti!
- Prazne kutije za municiju!
- Tragovi borbi kao što su krateri od granata ili razbacane čahure od metaka!
- Vojna oprema ili obični predmeti na neobičnom mjestu!

Telefoni za pomoć:

Policija (122) Centar za uzbunjivanje Civilnih Zaštita (121)

Centar za uklanjanje mina u BiH (033/253-800)